

comandamenti de Dio, et fin tanto che lor obedi-
scono a li sui superiori non è possibile salvarsi,
perchè il superior li comanda al suo tempo dormir,
levar, lezer, manzar, beber, parlar et tazer. Et se i
fano questo non poleno obedire al comandamento de
Dio in la fede, et servir ad altri per amor et carità,
ajutar, consigliar et insegnar; e che si non fano niu-
na de queste cosse, l'è poco male. Ma se nui prete-
rimo li ordini et regule nostre, havemo perso ogni
cosa; et questo per la sacra scriptura bellissima-
mente sopra li pergoli preti et frati, et pregato per
l'amor de Dio et comandato, et se hanno fantasia
la mità di quelli frati de meter zoso le cape et darle
per lo amor de Dio et cavarse de li et retenir al
merito de Dio.

Et per questo è sequito una altra gran murmu-
ration del populo, et el frate se amalò; *tamen* la
Domenega sequente predichò da rechao, et disse lo
Evangelio, et per debolezza ave faticha de star in
piedi, et pregò al populo per la passion de Christo
come prima, che chi tolesse uno frate over monacha
fuora del monasterio, quello haveria cavado una
anima de le branche del dyavolo. Li monasterii non
ha speranza di migliorare, et chi li tolesse zoso de
le obligation che hanno in el suo ordine, over ne li
sui vestimenti etc., et chi li informasse altramente,
non staria saldo; ma porebbe durare tanto quanto
uno homo vive, che i non sono boni per nissuno se
non per el dyavolo; perchè con atti et opere exte-
riori et vestimenti demonstrano et fano perder tante
anime. L'ha dato el predichador bella doctrina de
la fede falsa de la obedientia, povertà et castità, che
molte persone sparseno le lachrime per devotion;
et se non fosse al mondo altro peccato se non quello
de li frati et monache in le sue demonstration et ypo-
cresie, non sarebbe miracolo se Dio punisse over
flagelasse tutta la christianità. Et chiaramente ha
ditto voleno partirse questa septimana; et si pur
qualche uno di loro volesse tornar in dreto, el pre-
gò el consiglio e li superiori di la terra dovesseno
cazarli via con quelli che restavano. Dovevano dar
forsi 1000 fiorini, dovesse el studio tuor el lor dor-
mitorio et far uno colegio de esso, et faria a quello
211 proposito. Et Zobia da poi fui nel monasterio dal
prior, el quale se lamentò verso de mi de li sui af-
fanni, et disse che quello zorno medemo erano par-
titi aponto la mità di frati numero 25, et altrettanti
erano rimasti, et non ge bastava l'animo de coman-
darli cosa alguna; ma sta fra loro come uno agnelo.
Ancora una altra bona cosa a l'uso de . . . El zorno
de' Ogni Santi, el pivovano ha nunciato publicamente

sul pergolo come el Sacramento è in do spezie, zoè
pan et vin; chi desidera tuorlo per sua salute et re-
mession de li peccati, li sarà dato in tutte do le for-
me per sua devotione, perchè Christo el dete, et
(*per*) questo sono andate molte persone a commu-
nicarse in tutte do le specie. Et disse che 'l voleva
de qua avanti dir una messa *cum* predication et
comunicar in questa forma; le messe de le anime,
et altre cerimonie annularle. Adesso uno homo d'ar-
me con una maza ferata ha quasi amazato uno frate
di zocholi, et con il cavallo l'ha butato soto i piedi,
et li frati de li zocholi se metteno in ordine anche
loro de andar via, e alcuni sono beli andati. In que-
sta Setimana fo uno in casa mia, el qual haveva
uno sagion in dosso, calze tagliate et uno bragetto
a la sguizarescha.

*Questi sono tutti quelli zentilhomeni che hanno 212^v
depositado per soi fioli e per loro per venir
a Gran Consejo, havendo anni 18 habbino
la prova di 20; overo volendo aver la prova
di 25, havendo anni 20, la habbi justa la
parte di lo Excellentissimo Consejo di X con
la Zonta, comenzando a dì 22 Novembrio
1521 fino ultimo Decembrio 1521.*

- Sier Bernardo Balbi qu. sier Be-
neto, per sier Alvise suo fiol . . . L. 10
* Sier Bernardo dito, per sier Zuane
suo fiol . . . » 10
Sier Bernardo dito, per sier Filip-
po suo fiol . . . » 10
Sier Hironimo Foscarì di sier Marco » 10
* Sier Zuan Nadal Salamon, qu. sier
Thomà, per sier Zuan Batista
suo fiol . . . » 10
* Sier Vettor Salamon qu. sier Hiro-
nimo . . . » 10
Sier Vincenzo Donado qu. sier Zua-
ne, qu. sier Alvise, per sier
Hironimo suo fiol . . . » 10
Sier Zorzi Venier qu. sier France-
sco, per sier Francesco suo fiol » 10
Madama Zarla contessa consorte
di sier Antonio Condolmer, per
sier Auzolo Zustignan qu. sier
Nicolò el cavalier. . . » 10
* Sier Marco Bolani qu. sier Alvise,
qu. sier Marco procurator . . » 10

(4) La carta 211* è bianca.